

Azaroan abiatuko da Nafarroako Euskal Kantu Txapelketako seigarren ekitaldia

Euskal Herriko finala datorren urteko ekainean egingen dute Iruñeko Gaiarren

Edurne Elizondo / Iruñea

NAFARROAKO Euskal Kantu Txapelketako koordinatzaile Oscar Brakok aurtengo seigarren ekitaldiko xehetasunak ezagutera eman zituen atzo goizean egin agerraldian. Txapelketa Burlatan abiatuko da, azaroaren 22an. Arratsaldeko 17:00etan hasiko da lehen saioa, Kaputxinen Ikastetxean. Altsasun hartuko du bigarren kanporaketa abenduaren 13an, Lanbide Heziketako Institutuan eta arratsaldeko 17:00etatik aurrera. Finala, berriz, Doneztebeko Bordatxo dantzalekuan egingen dute, beti bezala, abenduaren 20an, arratsaldeko 16:30etan.

Hamabost urtetik goitiko kantari amateurrek parte hartu ahal izanen dute Nafarroako Euskal Kantu Txapelketan, bakarka, bikoteko edo taldeka. Kantu zahar edo berriak abestu ahal izanen dituzte, bai eta eurek sortutakoak ere. Partaide bakoitzak bi kanta aurkezteko aukera izanen du. Finalerako sailkatuz gero, epailek erabakiko dute azken saioan zein abestuko duen.

Epaimahaiko kideen lanari dagokionez, hain zuzen, partaideen doinua, hitzak, ahotsa, trebetasuna, interpretazioa eta kantua- ren ekarpena eta nobedadea aintzat hartuko dituzte. Oscar Brako lehiaketako koordinatzaileak azpimarratu legez, ordea, «kantu lehiaketa dela gogoan izanda, kantua bera baloratuko du epaimahaia, batez ere».

Euskal Herriko finala Iruñean • Kantu txapelketan parte hartu nahi duenak Nafarroako Bertolarien Elkartean eman behar du izena, edo Nafarroan euskaraz emititzen duten irrati-tan: Iruñerriko Euskalerrria Irratia, Baztango Xorroxin Irratia, Aezkoako Irati Irratia, Larraungo Aralar Irratia, eta Leitzako Karrape Irratia. Txapelketako kategoria eta modalitate bakoitzeko bi sari banatuko ditu epaimahaia. Halaber, beste sari berezi batzuk emateko aukera izanen dute epaimahaiko kideek.

Nafarroako Euskal Kantu Txapelketako seigarren ekitaldia aurkeztu zuten atzo Iruñean. Euskal Kantuzaleen Elkartek Nafarroako Gobernuaren eta Rural Kutxaren laguntzaz antolatuko du, eta azaroaren 22an abiatuko da Burlatan. Altsasun egingen dute bigarren saioa, eta finala, berriz, Doneztebeko Bordatxo, beti bezala. Txapelketak, euskal kantagintza zabaldu eta kantatzeko zaletasuna piztea du helburu.



Atzo aurkeztu zen Nafarroako Kantu Txapelketa, eta azaroaren 22an hasiko da.

JOXE LACALLE

Euskal Herriko Kantu Txapelketari dagokionez, finala ekainean Iruñeko Gaiarre antzokian egingen dutela jakinarazi zuen Oscar Brakok atzoko aurkezpenean. Data zehatza erabakitzeke dago oraindik.

Brakok, bestalde, Euskal Kantu Txapelketaren funtsa zein den gogoratu zuen: «Euskal kantagintza zabaldu eta erakustarazi, kantatzeko zaletasuna piztu eta kantari berriak plazaratu». Haiek dira, halaber, Euskal Kantuzaleen Elkartek dituen helburu nagusiak. Horretarako, kantu txapelketaz gain, beste hainbat arlo jorratzen ditu, elkarteak lehendakari Eugenio Arraizak atzo azpimarratu legez. Pedagoga

landu ez ezik, hain zuzen, Euskal Herriko musikaren historiari buruzko bilduma eta musikagintzaren hiztegia prestatzen ari da Euskal Kantuzaleen Elkartea.

Euskal Kantu Txapelketa da, ordea, elkartearen ekitaldirik ospetsuena. Eta Nafarroan, hain zuzen, zerikusi handia dute txapelketako antolaketan euskaraz emititzen duten irratiak. Euskalerrria Irratiko zuzendari Mikel Bujandak parte hartu zuen atzoko agerraldian, irrati horien guztien izenean, eta txapelketa eta euskal kantugintza bultzatzeko eta zabaltzeko hartu duten konpromezua azpimarratu zuen.

Mikel Bujandak aipatu zue-

nez, «euskaraz ari garen irrati-tzat alderdi guztietatik begiratuta oso interesgarria da Euskal Kantu Txapelketa. Alde batetik, espresio artistikorako bidea da, naturalena gainera, eta, bestetik, gizarte harremanetarako molde». Bujandak, halaber, lehiaketaren ginetik garrantzitsuenak kantua bera dela azpimarratu zuen. Ildo horretan, lehiaketak herrietako kantu zaharrak gogora ekartzeko balio duela gaineratu zuen Euskalerrria Irratiko zuzendariak, «bai eta sormena bultzatzeko ere». Bujandak, azkenik, irratiak lehiaketako saioetan entzungo diren kantuak irratiaren bidez zabaltzeko dituztela nabarmendu zuen. x

laburrak

■ Nafarroako Mendeku taldeak disko berria kaleratu du

NOAINGO Mendeku musika taldeak Sueños, pensamientos ideales y mordazas izenburuko diskoa kaleratu berri du. Taldekideek -Ruben Armendariz, Juanjo Viedma, Raul Ibiriku, Josi Martinez eta Cesar Asiain- Iruñeko Sonido XXI estudioan grabatu dute lan berria, eta Nafarroako beste hainbat musikariren laguntza izan dute. Besteak beste, Barricada taldeko Alfredo Piedrafitak hartu du parte. Disko berria aurkezteko, kontzertua eskainiko du gaur Mendekuk Artsaian, gaueko 23:00etan. x

■ Iruñeko denboraldia gaur hasiko du Euskadiko Sinfonikoak

EUSKADIKO ORKESTRA SINFONIKOAK gaur arratseko 20:00etan emanen dio hasiera Iruñeko abonuko denboraldiari, Gaiarre antzokian eskainiko duen kontzertuaren bidez. Denboraldiko lehenengo emanaldia musika amerikarrari eskainiko dio Euskadiko Sinfonikoak. Leonard Bernstein, George Gershwin, Alberto Ginastera eta Aaron Copland konpositoreen lanak joko dituzte, eta Juan Jose Menak zuzenduko du orkestra. x

■ Artista Gazteak lehiaketan parte hartu eta izena emateko epea zabalik da

IRUÑEKO Udaleko Kultur Sailak, Iruñea Artista Gazteak lehiaketaren 13. ekitaldian parte hartzeko deialdia zabaldu du jada. Lanak aurkezteko epea hilaren 24ra bitartean egonen da zabalik. Azken urteetan bezala, hiru sail izanen ditu lehiaketak: eskultura, pintura eta argazkigintza. 18 eta 26 urte bitarteko gazteei dago zuzendua. Sail bakoitzeko hiru sari banatuko ditu epaimahaia, eta irabazleek, gainera, erakusketa egiteko aukera izanen dute. x

■ «Funtzionario baten errakuntza» izan zen Zoe Valdesi EEBBetan sartzeko bisa ukatzea

«FUNTZIONARIO baten errakuntzagatik» ukatu zioten EEBBetan sartzeko bisa Zoe Valdesi eta, arazoa konponduta, bisa eman diote orain idazle kubatarrari. Bisa horrekin Zoe Valdesek ez du inolako arazorik izango heldu den hilean Miami-ko Nazioarteko Liburu Azokan parte hartzeko. Bisa ukatu ziotela jakitean, EEBBetan bizitzen gertatuko ote zen beldur zirelako izango zela uste izan zuen Zoe Valdesek. x

IRAGARKI MERKEAK

(943)300222

Pertsona bat behar da pisua osatzeko.
Nabarrerria kalean, berogailua, argitsua.
Tel.: 948 - 21 18 92
(Gauetz deitu).
IRUÑEA

31 x 33 mm MODULOIA (Iparralde)

Eguna: 80 l.
Astea (6 egun): 75 l.
2 aste (12 egun): 63 l.
Hilabetea (24 egun): 50 l.



"BEHIN BAZEN" antzezlan

Urriak 5 eta 19an.
Donostiako Principal Antzokian.
Eguerdiko hamabietan (12:00)

Tel.: 94 / 455 83 66
JAIO

HOBBY HERGO CARAVELAIR

KARABANAK
CI - RIVIERA
AUTO-KARABANAK
ERREMOLKEAK
AUTO-KARABANEN
ALOKAIRUA

Larunbat goizez irekita

Zatuz ikustera!
AMETS

Ford
Tel.: 78 19 50 - 78 25 92
ONATI

LEGAZPI 6
euskaltegia

Lasala enparantza, 3 behe
Tel.: 42 43 66 - DONOSTIA

- ✓ HIZKUNTZ ESKAKIZUNAK
- ✓ ALFABETATZEN eta E.G.A.
- ✓ SAKONTZE, ITZULPENGINTZA eta IDAZKETA-IKASTAROAK